

Tutunlap Mi Awewei Ossini

Ewe Soupeut Seni Endor

1 Samuel 28:3-25

King Saul a nom nesoponoon manawan a chok nioukus me chechech. Ewe watten kumien sounfiun Philistia ra pwenieno an Israel we kukun kumien sounfiu pwan fokun apwangapwang. Saul a apasa, “ Ika pwe Samuel e nom ikei, ii epwe ereniei met upwe fori.” Nge neun Kot ewe Soufoss a fen mano 2 ier a noo.

Ewe Chinlapen King a resin kuta fetanei ian epwe tongeni angei me ian an aninis seni Kot



meren ekewe ekoch Soufos me Souasor nge Kot esapw mochen kapas ngeni ii. Nekukun, Saul a men fokun arap ngeni Kot. Nge nupwen a angei wisan wisan King, Saul a namanam tekia oh a poputa me uu ngeni Kot me an Kot kapas. A mwo nge nieno ew soopw mi uronoo ren Souassor. King Saul a fokun nukumach me aneasonap ngeni ewe Samol, iwe iei a fen weires nge Kot esapw mochen epwe ponuwani. Iwe Saul a angei chok a noo kutta emon fefin mi fokun sine rongongaw. A era, “ Kosap feila ren watawa ika ren sourong, kosap angei ar öüröür, pwe kosap limengau rer. Ngang ewe Samol mi Lapalap om we Kot.” “ we, eman mwän ika eman fefin i watawa ika sourong epwe ninnila. Oupwe monei ngeni fau, nge chan epwe ukun chök.” (Leviticus 19:31; 20:27) nge non ei fansoun Saul ese chiwen watte an sufoniti Kot me an Kot aureur ngeni.

Nupwen ra kuna ewe fefin seni Endor ewe a era pwe a tongeni kapas ngeni ngunun ekewe mei mano,

King Saul a pwonueno mesan oh a nikatupwen feino pwe a churi. Iwe a apasa ngeni ewe sou awarawar enu, “ Kopwe uweato ngunun Samuel.” Iwe ewe fefin a fori an kewe roong iwe och metoch a fisita iwe a era pwe ii ewe Soufoss Samuel iwe a pwan ngeni ewe King och ossini mei fokun enetipengaw me anoninen. A apasa pwe Saul me neun kewe 3 mwan repwe mano nesor non ewe mwaun.

Iwe sorotan ewe ran ranoo mwaun, Saul me neun kewe 3 mwan ra mano ren ekewe chon Philistia nge King Saul a pwusin angei manawan ren an oturanoo won efoch ketilas(1 Samuel 31:2-4). Iowe e kapas ngeni King Saul meren ewe chon awarawar enu- Soufoss seni Kot ika ewe devil nge a ewinanoii pwe ii ew Soufoss?

Amasowa ekkei line ngeni wokisin non Paipel

1. Ewe ngun Saul e kuna ngunun Samuel ewe Soufoss?

1 Kings 22:22. Ewe Samol mi Lapalap a aisini, 'Ren met?' Ewe ngün a pälüeni, 'Üpwe feila o föri pwe nöün kewe soufos meinisin repwe eäni _____.'

Pwarata 16:14. iir _____ mi föri manaman.

2. Ekewe aramas ra mano, ra tongeni kapas ngeni ekewe ir mi manau ika eriafou atongeer kewe?

Job 14:21 Nöün kewe mwän ra tolong lon iteüöch, nge I _____, ra sapwilitiu, nge i esap küna

© 1999, 2010 Amazing Facts, Inc.

All Rights Reserved

SP09



Ecclesiastes 9:5, 6, 10 Nge ekewe sotup _____ och mettoch, resap pwal chüen angei liwinin ar angang, esap pwal wor eman a chechemeniir. ⁶Ar _____ me ar oput pwal ar lolowo esap chüen wor. Esap pwal wor wiser ngeni ekewe angang ra fis won fanüfan. Kopwe achocho le angang lon mettoch meinisin ka föri, pun esap wor och angang, _____, silelap ika tipachem lon lenien sotup ewe ia kopwe feila ie.

NOTE: Apw! Paipel mi fokun faat. Emon aramas mi maa eseor met epwe fori, ese pwan sinei och metoch mi fiss won fonufan. **Psalms 115:17** *Ekewe mi mano rese tongeni mwarieti ewe Samol.*

Psalms 6:5 *Eseor emon epwe chemenuk non mano.*

Job 7:10 *Esapw chiwen niwiniti imwan.*

Isaiah 38:18 *Ekewe chon mano rese tongeni apwapwaok.*

Psalms 146:4 *Ekiekin a wessino.*

3. Anongonong won ewe Puken Pwarata, ion e amwochu ewe kiien mano?

Pwarata 1:18. Ngang _____ mi _____! Üa _____, nge iei üa manau tori feilfeilachök. A wor ai nemenem won mäla me ewe lenien sotup.

NOTE: Paipel mi fokun afata. Sises chok a wor ren ewe Kiien mano. Sipwe fokun feito ren faniten ach kapaseis ren ei metoch mano.

4. Ifa usun an Kot fori aramas me nepoputan?

Genesis 2:7 Mürin, Kot ewe Samol mi Lapalap a föri eman aramas seni _____ fanü o _____ lon pwötün enienin ngasangasen _____. Iei usun manau a tori ewe aramas

NOTE: Ruu metoch e fiss non ewe fansoun Kot a fori lang me fonufan: (1) Kot a fori aramas seni Pwul ika fonufan (2) a ngasenong non potun ewe ngasangasen manau. Iwe a winiti emon aramas mi manau.

5. Met a fiss ngeni kich atun sia mano?

Ecclesiastes 12:7 Iwe, kopwe chechemeni Kot mwen _____ epwe liwiniti pwül, pun a pop seni pwül, pwal mwen _____ epwe liwinla ren Kot, ewe a ngonuk.

NOTE: Met e fiss ngeni kich nupwen sia mano, efisoren met e fiss ngeni kich non ewe atun Kot a fori kich aramas. Ewe inis a niwiniti pwul nge ewe ngasangasen manau a niwiniti Kot ewe a wisen fangeu. Paipel

mi fokun aitiechu ngeni kich pwe ewe “ngun” a niwiniti Kot ina ewe ngasangasen manau, ewe Kot a ngasalong non Adam nepoputan ewe(James 2:26, Job 27:2, Job 33:4) Kolfel 104:29-30 a apasa, “Nge lupwen ka aopa mesom seniir, ra niuokus,lupwen ka angei seniir ngasangaseer,ra mäla o liwiniti pwül moromor.³⁰ Lupwen ka tinato Ngünum, ra fisitä.En ka försefäli fanüfan.”

6. Ian ekewe mi mano ra noo ian nupwen ra mano?

Job 21:32 Lupwen ra uwei ngeni ewe lenien _____,chon mas ra mamasa.

John 5:28, 29 kewe _____ meinisin repwe rong mwelian. o towu seni _____...

NOTE: Ekewe mi mano, mi tupwon ika chon tipis, iir mei chiwen nom non peiaser ikenai, iwe ina repwapw pwaata ika pwe ra rongorong mwelian Sises an a kokori pwe repwe tou seni peiaser pwe epwe ngenir nifanger kewe.

7. Paipel a aiti ngeni kich pwe King David mi aeni manau ese much, nge a nonom lang ikenai ika?

Acts 2:29. Ämi pwii kana, üpwe kapas ngenikemi o afataöchü usun ach we lewo mi iteföüla King Tافیت. A _____ o _____, nge peiasan a chüen nonom rech ikei tori ikenai.

Acts 2:34. Pun Tافیت _____ püsin feitä läng, nge a apasa,‘Ewe Samol a kapas ngeni ai Samol:Kopwe mottiu lepelifichi,

NOTE: Apw! Ewe apostle Peter a afata pwe David mi mano oh peias- ese nom non lang. Hebrew 11:32-40 a pwan afata pwe meinisin ekewe chon nukunuk menom resamo angei nifanger nge ra chok witiwit fengen (verses 39, 40).

8. Met ese pwung pwe ewe ngun mi manau tori feifeino nge ewe inis mi tongeni mano?

Ezekiel 18:4 Ngang üa nemeni manauen aramas meinisin, manauen samasam pwal manauen nöünöü kana. Iwe, ewe _____ mi tipis i chök epwe _____.

Job 4:17? Ifa usun, eman aramas mi feil ngeni _____ epwe tongeni pwüng fän mesen Kot

1 Timothy 6:15, 16 ewe King mi lapalap seni king meinisin, pwal i ewe _____ mi lapalap seni samol meinisin...I _____ ewe eman esap tongeni mäla

NOTE: Kich sia wewe ngeni ewe kapasen Merika era Souls. Souls mi tongeni maa. Kich aramas eseor rech manau esemuch. Kot ii chok a nom manause much non. Ewe osukun pwe mei wor ngunuch ese tongeni mano, sise kuna non Paipel. Pusin chok forien aramas.

9. Inet atun ekewe mi pwung repwene angei ewe nifangen manau esemuch?

1 Corinthians 15:51-53. kich meinisin sipwe müttir _____⁵²lon eu chök morupun mas.

lupwen ewe rappwa epwe tik, ekewe mi mäla repwe _____. met esap tongeni morola, o met mi mämmä epwe siwil ngeni met esap tongeni mämmä

1 Thessalonians 4:16. Pun püsin ach Samol epwe feitiu me läng fän mwelian mi leüömong, fän mwelien ewe samolun chon läng, pwal fän puun nöün Kot rappwa. Iwe, chokewe ra fen _____ lon ar lükü _____ repwe akomwen manausefä

NOTE: Ewer, ekewe mi tupwon repwe angei ar nifangen manau ese much non ewe fansoun manau sefal. Ekewe chon tipis rese tongeni repwe angei ei nifang.

10. Met paipel e anonoii ika awewei mano ngeni?

John 11:11, 14 “Chiechiach we Lasarus a _____. “Lasarus a malo,

Matthew 27:52 ekewe peias ra sukula o chomong chon pin mi _____ ra manausefāl.

2 Samuel 7:12 kopwe _____ ren om kewe lewo,

1 Thessalonians 4:14 Kot epwe aliwinisefāli Jesus me chokewe mi māla lon ar _____ i.

NOTE: Paipel a anonoii mano ngeni annut. Nupwen emon a mano, iwe ese chiwen tongeni sinei meta a fiss, ika mwo epwe annut non 15mnts, ika mwo 1000 ier, epwe chok fokun taitap chok. Ekewe mi mano ra annut non peiaser kewe tori ewe ranin manaweta. Ekewe mi mano ra annut non peiaser kewe, tori an Sises epwe feito amanawaretā . Ewe osukun pwe ngunun ekewe mi mano ra winiti ekoch chonlang non lang ika fen ra winiti enu iwe meimwan eseor nongonongun non Paipel.

11. Pokiten ekei soupeut, sou wananu ika soupwee rese tongeni kapas ngeni ekewe ra mano, iwe iokewe chok ra kakapas ngenir?

Pwarata 16:14 Ir anün ro chopwak mi föri _____.

NOTE: Ekewe chonlang non lang iter “ Ministering Spirits” Ngun chon afanafan fetan.”(Hebrew 1:14) iir ra wisen anisi aramasen won fonufan. Ekewe chonlang ra fiti Setan mi tou seni lang(Pwarata 17:7-9) pwan iir ekoch Spirits ika ngun- ngunungaw ra otupwu aramas ren ar fori manaman(Pwarata 16:13-14). Ra fokun aea meinisīn manaman me esisīn mi chofona” (2 Thessalonians 2:9), ra mwo nge tongeni watiw ekkei seni lang tori fonufan nemesen aramas” (Pwarata 13:13). Nupwen aramas repwe era pwe ra kapas ngeni ngunun aramas, esapw ngunun aramas pwe ikenair neun setan kewe chonlang(Aisea 8:19-20)

12. Pwata Setan a mochen pwe sipwe nuku pwe ekewe aramas mi mano iir mei chok manau?

Matthew 24:24, 25. Pun kraist chofona me soufos chofona repwe war o föri asisil me manaman mi _____, pwe repwe mwo nge _____ ekewe chon _____ are repwe tongeni.

NOTE: An Setan ewe akaewin chofona ngeni aramas era, “ Ousapw tongeni mano” Genesis 3:4. E mochen sipwe nuku pwe ngunun ekewe mi mano iir mei chok manau pwe neun Setan kewe chonlang repwe tongeni pwano pwe ita nge iir chonlangin saram, ita nge iir ekew soufoss, Ika ekewe Soulang ika fen ekewe souemwen menoom ra mano mi pochokun(2 Corinthians 11:13-15). Iwe ina pwata Setan a tongeni an epwe otupwu millionun aramas. A pwan neuneu ekkei ngun mi ngaw ika ei sokun fofor sia eitageni pwe awarawar enu. Ei sokun mokutukut e anongonong won 2 nukunuk (1) Ekewe mi mano irr mi manau (2) en mi tongeni kapas ngenir pwan iir mei tongeni kapas ngonuk. lei ew an Setan kei fiu otupwutupw mi fokun pochokun pwan afeiengaw. Nge nape ngeni unusen fonufan ra fokun nuku. Ewe ngun e pwaa seni ewe chon awarawar enu seni endor esapw ngunun Samuel nge emon ekewe chonlang mi ngaw ewe a forano pwe ii Samuel.

13. Epwe ifa ukukun manamanen me pochokunan an Setan epwe neuneu ekkei ngunungaw non ekewe ranin sponoon?

Pwarata 18:23 nge ren om angangen rong ka _____ aramasen fanūfan _____!” †

Pwarata 18:2 A tala, a tala Papilon mi lapalap. lei a wiliti eu lenien anün _____ me _____ mi limengau. Sokopaten machang mi limengau me anioput ra nonom lon.

Pwarata 12: Ewe trakon mi watte a koturuwu lükün, ewe serepenitin lom mi iteni Tefil are Satan, a _____ unusen chon fanüfan.

NOTE: Ren an setan manaman me rong mi ngaw me neun kewe chonlang mi ngaw, ii epwe tongeni otupu unusen fonufan.

14. Met Kot e apasa faniten ekkei manaman seni ekei chon lang mi tipis?

Leviticus 20:27 _____. Iwe, eman mwän ika eman fefin i _____ ika _____ epwe ninnila. Oupwe monei ngeni fau, nge chan epwe ukun chök.”

1 Timothy 4:1 ekoch aramas repwe _____ ar lükülük, repwe rongorong ngeni ekewe ngün mi chofona o aleasochis ngeni aitian ekewe anün ro chopwak.

Ephesians 5:11 Ousap eti aramas le föri ekewe föföri mi _____, ekewe föföri _____, nge oupwe sarifiir, pwe repwe pwäwu lon saram.

Galatians 5:19-21. Iwe, a pwä ekewe angangen fituk: Lisowu, limengau, mocheisou, fel ngeni anümwäl, angangen _____, oputfengen me fiufengen, koumfengen, song, apangau, tipefesen, mwichaiei

Pwarata 21:8. Nge ekewe chon niuoken me chon lüküman, ekewe chon limengau me chon niela aramas, ekewe chon lisowu me chon angangen rong, ekewe chon angang ngeni anümwäl me chon chofona meinisn repwe nom lon ewe _____ mi pulopul ren _____ me primston, iei ewe aruen mäla

NOTE: Non ewe fansoun Moses, Kot a annuk ngeni ekewe chon peut pwe repwe nireno meinisn. Ikenai Kot a pwan ereni kich pwe ei angangen peut foforun mochenin futuk ewe a fori an epwe nieno manawen aramas. Kot a ereni kich pwe nupwen sia chiechi ngeni ekei chon peut, sia suu seni ach nukunuk. Kot a pwan ereni kich pwe soupeeut repwe mano non ewe oruwan mano non ewe nomun ekkei.

15. Ifan ena manamanen mi amwarar Kot epwe ngeni neun kewe aramas?

Philippians 3:10 Üa fokun mochen ai üpwe silei Kraist o mefi manamanen an _____, üpwe pwal eti i lon an riaföü, pwe üpwe wewe ngeni i lon an mäla

NOTE: Sises a pwan mochen epwe ngeni kich ewe manaman me pochokun ach sipwe tongeni manawen pwung, ewe pochokun e amanawa seni mano. Pwata sipwe tongeni chiwen apwangapwang ika pwe sia angei ei manaman seni Kot, ese kamo mi chok free ngeni kich? Pokiten an Sises tongei kich, he a fen ereni kich pwe sipwe suno seni ekei manamanen ekewe chonlang mi ngaw. A mochen ngeni kich an manaman mi auchea ngeni kich pwe sipwe monota ngeni an we mwuu epwe feito (Philippians 1:6).

Om finata

Ka sineni pwe Kot a nemeni mwokutukut meinisn won fonufan, ka pwan mochen ngeni ii manawom epwe pwan wisen nemeni?

Ponuwani: _____

Sopusopun ach ei nessen

Ei kinikin epwe anisuk om kopwe kaeo sopusopun ach ei nessen.

Ewe chon Sona won ewe Irapenges

Sises a pwon ngeni ewe chon Sola won ewe irapenges pwe a tongeni tolong non lang nupwen a apasa ngeni, “Ikenai kopwe fitieino nom non paradise? Wewen alon Kraist non Luke 23:13 sia tongeni kuna ika pwe sia akoum pwan watiw ew kapaseis: Met Sises mi noo lang non chok ewe ran?

Apw, anongonong won met paipel a apasa. Non ewe ranin manausefal, nupwen a churi Maria non ewe tanipin ren ewe peias, ikei met Sises a ereni: “Kosapw atapai pwun usamwo feita ren Semei.” John 20:17. Sises ese noo lang non ewe enimu ika pwun esamwo noo ngeni ewe sam non ewe Sunday.

Nge pwata Sises a apasa, “Ikenai kopwe fitiei noo non paradise?” Ei osukosuk ina epwe wesino ika pwe sia weweiti pwe non ewe kapasen Greek eseor period me koma non ar mak. Koma me period iwe epwapw pwan kapachenong non paipel nupwen a chomongelo chon chiakuni nge epwan anongonong won an emon me emon nuku. Ew koma mi tongeni ekesiwini newenewen efoch sentence. Ewe samol a apasa non Luke 23:43 ururun epwe iei sokun: “Enlet, üpwe ürenuk ikenai, kopwe etiei lon Paratis.” Iei enletin met Sises e apasa. Ikenai, nupwen meinisun usun a turusonuk, ikamo usapw napanapan ika mesemesen emon Samol ika King, Murin an neikewe chon kaeo ra suu seniei; Ikenai, inamo ika pei mei chufon ngeni ei irapenges, ngang mi tongeni amanawaok.

Non ew fansoun ewe chon sola eti pwan chomong aramas ra etiwa Sises non manawer, ina repwe fokun claim ewe pwonen manawasefal oh nom ren Sises non paratis.

Ekkei 2 kapas “Spirit”me Breath ika ngasangasen manau, Met wewer non paipel?

Job 27:3 A ereni kich pwe ngunun aramas me ewe ngasangasen manau taitap chok. Job a pwan sopweno me afata pwe ewe spirit ika ngasangasen manau e nom non potun. Kose mochen chechemeni pwe Kot e wanong non potun Adam an we ngasangasen manau (Genesis 2:7). Iwe ewe ngun a niwiniti Kot nupwen emon a mano ewe ngasangasen manau nge esapw pwan ew sokun inis. Esapw fan ew non Paipel sipwe kuna an epwe apasa pwe ewe ngun napanapen emon aramas a niwiniti Kot.

Ian ewe ngun a noo ian murin an emon a mano?

Non ewe fansoun Kot a forata lang me fonufan, ruu metoch Kot a apacha fengeni pwe epwe fori emon aramas. Ewe Inis me ewe ngasangasen Manau. Ika pwe ekei ruu metoch rese chuufengen, esapw tongeni fisita emon aramas. Nupwen emon a mano ekkei ruu metoch ra imufesen, inis me ngasangas. Ewe inis a niwiniti pwul nge ewe ngasangas a niwiniti Kot. Eseor ian ngunuch epwe pwan noo ia pwe a morono.